

五百四峯堂詩鈔

五百四峯堂詩鈔

卷十二

順德黎 簡簡民撰

壬寅年

婦病

春牕昨日晴軟語品時榮  
飲子今朝重情人夙命  
輕舌寒惟握手魂弱戀呼卿  
寸草燒痕死東風吹  
得生

雨

海雨白逾遠碧山寒更明春陰散花重晴久聚雲  
輕養疴知天氣耽眠戀瓦聲軟風簾影綠幽草病  
魂清

初燕

初燕柳花飛穿花對對歸生疎驚社鼓言語戀江  
屏細識嬌孩面歡撞病婦衣主人多伏枕不爾昧  
芳菲

燕子入閨中作

女雛梳髻始分丫燕子飛鳴故墮花乍語鏡臺如

問病熟知人面作通家書多礙屋春聲窄簾直當  
門去勢斜天地所居吾幾許汝巢疣贅此何加

雨夜

脉脉夜來雨及時如散金獨明村檠小釀凍水雲  
深花驗流年跡山招倦客心朝來試春屐行處問  
芳林

春望

斜曛天水光春望闊蒼蒼草染煙波綠雲烘草樹  
黃遠愁海色盡隻影柳陰長萬象容吾暇鶯花勞

艷陽

瓊女課金剛經贈內子

聰明憐弱女持誦爲慈親卿有福德性佛矜危苦  
身安能無老死願欲久清登我自修儒術如來不  
外人

感咏

壯懷頻拂昔遊衣海內行塵出篋飛中歲漸多生  
死事前途今恐友朋稀傷離滿眼花俱淚養疴同  
林鳥息機遠枉都人怪奇跡漁樵何夢上

京畿

翁洗馬覃溪對張葯房言僕曾入都  
中一宿而去都中故人轉相稱異

### 杜鵑

杜鵑何汝不自惜在處悲鳴何處歸  
風吹花片弱魂斷月照紙錢低  
雪飛天存微命哀以短人到殘  
春眠亦稀不如百鳥漫心性向爾  
前頭毛羽肥

### 春睡起

夢緒持春怨香絲供病緣  
袂寒風柳雨簾暝水花  
烟舊事成前悔新知續  
去年報看池上草生意碧  
烟綿

獨坐

水光園畫雨花影亂春流吟望閑過日風雲低壓  
樓斷山天切海紆岸樹行舟澤國生涯闊身名約  
釣鈎

村雨寄張上舍靈峯

天秀

昨者別君還濛濛雨滿城今日坐憶君村雨雲水  
平陰氣千里來不見兩脚行渡江入村樹颯颯寒  
有聲灑我簷後桐鏘作金玉鳴中庭綠沈重遍地  
花縱橫時方讀君詩天然合琮琤往往示得意句

非言所成春寒耳目惡心遠天海冥簷花疊濃葉  
暗若人影停水氣上垢衣帖肉苔蘚生君於大城  
住靜懷閉神局長衢濺波浪塵土膠冠纓漈衣水  
無滓始得着體輕昔年仆土墻艸生藝餘亭愁霖  
臥白日歸夢弄春汀長空極露葦弱竿釣風萍今  
年頗家食藏酒需花鶯倘能過我里風日正暄晴  
香餌春潭編寒食桃花餳

絕句三首

新闢南窓俯碧流水紋皺日動簾鈎丫鬟曉放呼



名鴨龍戶晚歸浮鼻牛

後簷風響落桐花亂糝女雛雙髻丫却取小篋梳  
掠盡背人歡喜拗山茶

弱女初能繡五文天吳紫鳳細勾雲從渠識字添  
閑事又取爺書學八分

服藥

服藥起居節返神風日和約腰中歲減在眼落花  
多遠道非騏驥吾家故薜蘿北書勞俊傑南極問  
風波

不眠

自愛清宵病不眠  
桐陰雲氣養花天  
繞廬春樹沉沉黑  
莫放低枝與杜鵑

溪月

病軀差覺夜來安  
溪月金盤碧玉瀾  
吸藻魚穿松影戲  
覆簷花閃水光看  
尋常泉石都宜畫  
蕩漾清和大較寒  
海外此邨邨此屋  
登樓天地卽瀾漫

雨晴

雨晴花落客歸遠  
藤晚花香桐月清  
披襟溪上草

細濕映水竹稍雲獨行滄海孤村三月濶蘆沙千  
頃一舟橫鰕魚縮頸長腰米不厭僻田吾所耕

永寧

李恭毅公湖  
奏所開府

沙菱舊萑苻新血污海陬幾處大樹下風雨飄颻  
體化爲鬼車鳥灑血呼其儔血冷哲人萎歸骨雲  
海愁英魂爲董狐筆下錄鬼囚森森轉輪宮由子  
持其頭羅拜死灰色入地冰霜秋猶畏長城公濃  
眉深炯眸正氣齊東南羅殍空山邱盡瘁貽善宜  
嘉名請邊籌猛虎渡大河馴雉棲中牟茲民載寧

一於始孰此謀孰謂公好殺公也僑亮流事長命  
已迫跡在精尙畱請公迴靈飈永寧無復憂颯颯  
新旗旌海風吹戍樓

病可以硯謝何徵君

儒生苦心腸此物能致病昔時走山川此物若爲  
命始終實勞我暴殄何究竟以身與之較動靜安  
可競我則譬爲墨以媚石之性寧知石愈好於墨  
愈無賸過春八十日日刻吟咏鶯花本何機而  
我陷其穽石也應哂我筆舌無乃佞勉力事藥鎗

又恐減炊甑遣之近侍君氣王君轉勝黠奴得其  
主一一坐呼應異時我疾作飲子煩重訂石乎與  
爲功於石亦殊幸芳橘必南國生物自有定銘言  
久勿剗礪礪余獨行

臨溪小屋成詠

海潮入村水三折水深花深地深極故人村口隨  
香風小艇衣裳濕春碧松藤婀娜垂簷瓦家家簾  
影波光直落花萬點千鳥聲靜女無心感聲色不  
知幽僻春狼戾但與往來人歎息臨溪小屋不獨

我到我人驚照溪白人似冰雪爲肌膚屋堊水月上  
墻壁畫家草木無俗筆花里兒童有幽識鷗鬟  
侍藥憺宵吟雛女問字妨畫織不照梧桐穩鳥眠  
時減盤餐與魚食人閒此屋殊不異盡如此屋是  
非熄市無爭利官無訟民無知識帝無力不知此  
屋芥滄海水面何年結一席幾時有人人至我我  
後滄桑幾時易無事且爲今日語語罷閉門風竹  
寂夢中花月二三更海外波濤幾千尺

復志丈室詩

昌黎賦復志五箴備五覺少學壯且爾況乃少失  
學目昧豹出霧耳昧雉登木不得見文采亦未辨  
宮角徒然好書史如彼鼠嚼玉哇吟巴里奏兒關  
魯人較無能振高蹈猶欲被奇服膠杯坐咫尺飛  
語縱謠詠世多求全毀吾倘不遠復誰能與安心  
吾猶有尊足溪築雜龍戶巢居愧烏屋小軒泛泛  
舟常釣籊籊竹夢毋出孤村饑復遣五嶽曾拔萬  
仞山氣洩千尺瀑空虛感風雲浩蕩赴心力波濤  
杳始終陰陽互興伏臥爲宗生起出勿阮公哭青

山照寤寐丹崖約麋鹿苦蟲不避蓼涎蝸不忘殼

蜀人劉世儀淫詩爲吏目數十年往年會  
令二子師事僕爲詩僕甚慚矣今不見  
且五年作詩覓便寄之

劉君善晦跡佐吏山海涯不欲貧累人聊以官養  
詩所之輒荒僻窮老髮如絲粗疎謁大吏轉得優  
容之奔走四十年冷署生兩兒兩兒過二十氣穩  
心謙卑音聲異其父粵語到處宜惜哉染薄俗纖  
巧空腸饑安敢輒師子願與子同師當時已盡言



今日當勿欺嗟乎周資敬八口留京畿二子絕  
天慧我畏非此誰蜀川山水雄揚馬豈莫窺要於  
其根源誠實爲之基數子本秀發何獨工言詞他  
時馳姓名今者滯別離人閒浩浩茫茫蓬葉從風吹  
自顧雖中年多病早歲衰旦夕望天海海白天四  
垂子於何處宿夢我吾不知萍梗儻復合新學慰  
舊期山迴薜蘿深忽忘斯取斯

周資敬二子  
立規立矩

巨雨飄我書籍作

昔我雙峯堂

十六歲西  
舅氏山莊作

風襟動高濶赤日漏雲

脚白雨轉天末天末雨尺蠲日外山明滅闊嫌山  
無盡高識雨所出今居滄海旁屋矮千樹密安知  
水村外氣象海簸日淺牖如船窓水花穴墻窟南  
風送急雨箭弩直排闥公然逼書床亂濕我書帙  
丈室何可避閉戶手足失鑽隙成決渠坐隅恐過  
膝近思西淋山雲海兩突兀遠憶南海廟烟嶂具  
紙筆困坐病懷惡行臥恆鬱鬱孤舟展平川安得  
縱超越

玉荷包歌

玉荷包南方荔子爾先熟年年三月先櫻桃纔過  
清明晚花節昨夜猶餘杜鵑血腥紅照眼無與比  
赤水珍珠火齊熱今年抱病緘脣舌不知饒涎轉  
轆轉轉嘆醫士心手拙玉荷包早來早去曾幾日  
病裏看成過時物

野步

濃陰初夏散山水更清光輕雲撒白雨新潦似斜  
陽村薄隨潮泛松多蔽海涼病久宜空闊琴書任  
占床

在野

志士恥在野野人甘絕羣  
田園無餓相天地自孤  
雲蔬食時俱換郊居政  
不聞無能謝煩擾花鳥  
故紛紛

答同學問僕詩

簡也於爲詩刻意軋新響  
當其跨闊步語亦頗侔  
儻試復虛自舉得失如  
指掌霜警鐘候鳴悲壯  
秋清爽草暖蟲細吟幽  
咽春駘蕩勞或蠶抽心  
輟食入羅網靜或女懷  
春有怨言恂恍以茲櫻  
其生作

苦時枝癢一世取自畢千秋敢延想方寸抱冰雪  
萬里在俯仰吾希御風返誰與恃源往自非駿馬  
骨焉得蒙上賞倘誠虢虎姿老死氣騰上

月步

月流動衣碎人影入溪停露靜叢葦白雨多空地  
青光瀾聞水鳥暗葉定風螢不寐桐簷下藤花夜  
氣冥

溪晚偶書所見三絕句

海月入村少海風來樹多籬閒是潮水門外有漁

歌

鰕殼轉黑葉蟹眼釘青皮果生鼠牙澀棄擲魚跳

池

荔枝將紅俗謂轉鰕殼色  
龍眼尙小俗謂之蟹眼

水瑩泊溪樹照見一花青那將千萬點分抱萬花  
冥

鮑青海致曹素功墨二枚二首

墨手代有傳曹氏時下冠方甄雖精奇卅載無兩

見

王友嘗貽我甄氏作雲林子書畫  
墨又方氏九子墨皆妙品不多見

窓明碧天豁

水軟元冰泮深青入春峯沉深貯天漢亭亭白雲

靜暈暈黑雨散礮甲切玉古凝脂割雲嫩相需畏  
相觸若可磨我硯萬象浮堅光五岳隱方寸

二墨銷厥一小失而大在遙於百年後山川發精  
采存亦漸蠶食食既坐可待夫豈無汝替塵籠將  
百琲諸姬避專房無乃等女醢心力并汝盡好色  
生後悔吾當學汝祖兼愛憎好解袖手且封篋知  
止兩不殆

西潦三首

蟛蜞昔入屋今已半上樹新潦照夏雲赤浪天海

互炎歊漲溟風崢嶸變江路水松蜿蜒短沙鳥猶  
豫渡汙漿紅青苔點野黃白鷺廻視來處村一芥  
膠不去登岸橋避人無篷艇如瓠村中潦漲舟人登岸昇橋以入  
門前松根穴鬬鼠爭隙住

瘴海田不高水高田可悲刺舟行田上禾尾倒插  
泥潦至螺抱穠潦消泥塞堤五月不可潦下旬收  
割時三月四月交薄潦田轉肥天地之於人厚薄  
各有宜西蠻水不東是使西人饑西流不以候亦  
令東人啼所貴潦歸海宜速無宜遲抱穠之螺其小如稗子潦



消不去脫穀則仍  
入米內飯食厭之

浩浩揚黃泥島嶼小過倍廻波走西樵不肯入於  
海田崩不能築滄桑豈遽改中流渡死灰誰是貴  
人在側帆半入水舟勢始一擺吾知彼舟人百命  
投一殆神飛魚膨腹佛救象徹底侮水南人性瀕  
死乃畏鬼

渡船百餘人幾覆風水  
既乃設醮以祭水云

寄懷范璧如

新水一篙千點花光雲白雨裂寒瓜田閒笠屐還  
肩瓠別後肝脾減渴茶

予前有渴茶  
病君爲治之

桐樹鳥生八

九子夜香藤蔓兩三家於中夢我詩人屋莫聽城

西鉦柝譁

城中近設鉦柝守夜舉城如沸

答友書來所問

竊窺坡谷詩次疊成固習無聊尾一字始得意思  
入二賢散天花香色隨手拾而於通篇奇或困一  
韻押餘士蹈牙慧不自計弗及往往中道蹶乃怨  
前走去聲急門庭我熟道且戒獵等級途窮不自悔  
有去均哭泣所畏如放豚哀鳴入其笠果爾爲逐  
虎猛氣出於柙卿言亦佳甚我自用法

省視舊詩多已失去詩不足惜也戲爲諧

語一首

火急題詩草亂鈔小詩容易細書勞名知喻馬元  
非馬心極撙牢倦補牢多病愁聞嘔血已寸長虛  
慕等身高饑來更與農人笑學士廻腸似桔槔

夏夜溪步

瑣碎金流波歷落松瀘月鳥驚出暗草人行踏明  
雪高橋若平臺得地受空闊山影半江止帆勢一  
鳥疾海光大浮天詩緒細抽髮境虛難住心理適

貴新說半夜興獨往萬物靜一切瀾漫人閒事繼  
以夢顛蹶散爲九烟荒聚作一塵熱歎息吾於中  
栖栖幾時達

潦退後村口亭子

冥冥青螺嶂今朝洗碧玉映水懸江天萬象潏寒  
綠接影高鳥墜渟波過雲浴行晴經名亭止漲展  
周矚百流奔虎門天風挾而蓄日盪魚龍高甌覆  
山島縮至今滄海水一線界渭濁去隨暑雨脚平  
露沙樹足原田爲人憂饑餒於我屬柳風送餘病

松景澹新淑回首生晚愁雨氣積西北日入雲頭  
明雷電光閃倏吾恐戕河江餘怒奮相續誰當剷  
羚羊疏鑿不得伏

五月旦舟中觀雨

江鄉樹杪白乃是海上雲西樵水氣上黯慘雲低  
山高凍不分獨浮孤篷入江雨水面看雨光沄沄  
鏡平珠滑走不定玲瓏跳擲萬顆勻不暇給眼豈  
暇惜何處陳跡何處新就中無去亦無住此外何  
人知有人湛然已與天水靜不拒白鷺來相親白

驚久狎棄人去水田青光毛羽真兩不相思各烟  
霧爾我去來誰見聞打篷聲好吾亦睡夢中去射  
江濤神

殘燈

四更雲外一星存下有殘燈相對人耿耿心孤此  
天地勞勞光淡漸風塵林寒尙黑留螢火日氣潛  
紅收野燐病婦機絲曉猶織青氍心力愧卿貧

暮蟬

送客歸路晚暮蟬高叫風柳梢餘日色人影過橋

東獨立離愁闊孤吟怨調同近來疲兩耳堂後有  
疎桐

晚欲雨

晚飯蟬聲裏昏燈水氣中雲低還易雨潮上輒生  
風飛葉映江白殘陽過瓦紅無人與長夜行坐警  
青銅

不出

不出故人譏坐窮粉蛾帖死在屏風卽爲塌翅林  
莽病可惜饑鷹毛爪雄前路甘辛失駟歷萬事得

失作雞蟲恐是竊脂無飽命未能高遠托冥鴻竊脂

小鳥喜竊肉脂竊食卽死

夜景

雞鳴樹底白潮滿月搖風不見螢抱葉有時星度空  
茫茫夜岑寂細細水玲瓏鳥影爭枝墮眼花兼落紅

朝景

沙烟仍合樹雲水未開山宿鳥高晞日勞人出掩關  
露香田早熟花重艇爭還來吾鄉買花者緩急誰非事



窮經歲不閑

懷居寄諸君子

狂簡三十年昔者行萬里一身爲孤舟浩浩踏雲  
水引領望前路自分必勞死今爲老青衿居然村  
夫子就地得破廬亦云苟完矣先人所創造割裂  
爲生齒中閨風雨中僅足置床第外舍名丈室約  
畧八尺耳稍欲植桐竹便已逼案几寸心倘局脊  
天地限方軌亦知達人胸鶻鷃無礙理於茲十餘  
歲妻孥有歡喜胡爲丈夫者乃轉不如彼客至如

釣艇垂釣可窓裏客言何須廣所貴善經紀入夜  
鳥聚巢少穉呶老耳老人迷哀樂歎息夜分已未  
能妥晨昏有愧適甘旨耿耿攬褊懷鬱鬱實坐此  
此篇寄朋輩恐復咤知已士而懷其居不足以爲  
士

### 家事

六芸纔六歲性喜讀爺書膝便慈親問頭從阿姊  
梳卷旁嬌宜果課罷食求魚此樂饑寒內天真滿  
屋廬

補題雲隱所藏予江鄉春色圖

松根走長坡松陰覆蒼石石傍濛濛水寒靜松後  
離離樹丹碧江鄉春色初不見見於橫江平對面  
炊烟出林白如練白光三匝紅葉斷上欲爲雲不  
到空下未藏邨稍遮岸屋後數疊山低昂赭而平  
盤盤蓄氣勢結爲一石青石高直礙江一畫江上  
長松數千百中閒松斷青連綿一寸隙走萬里船  
風帆之杪又海水水上山光淨如洗半露萬松顛  
半在萬松裏此中日落山幽幽應有山人喚舟子

雲隱先生可歸矣

月下戲咏

半歲海上月雲水氣相裹今夕視行影始能辨人  
我竹密團雲深松瘦古髯墮墀方晰驚烏波圓見  
落果行久獨生寒短草淨可坐地深天自高月細  
玉一顆微吟大塊內抱泥鳴螺贏

煉藥

藥錢爭及病時催藥力難從病裏迴欲避煩喧訪  
秋浦謂存生氣上春臺翻經舊習聞胎息撥火新

功悟劫灰底是死生安樂處維摩欹枕費人猜

寄蘇其詹順德城中

萬松嶺上萬蟬鳴愛爾書堂近太清昨夢幽窓俯  
碧海滿天寒浪小秋城塵高不到題詩處月落猶  
聞弄笛聲一邑風流好賓主獨吟知是兩含情

綠苔

近知寡過無輕舉已覺當門生綠苔雲覆碧桐深  
與色客矜朱履不曾來潮平魚婢噉噉食涎篆蝸  
牛廓廓開早晚石床花雨地爲予鍵戶謝飛埃

寄上元朱徵君

照鄰

石城歸客愴南朝不見秦淮舊板橋  
白首新鶯春下淚碧山殘月夜吹簫  
吳趨歌者誰相識楚些魂兮不待招  
記否耆卿少年事瘴天風雨柳飄蕭

朱耆卿

詞曲予所譜曲  
嘗爲點定焉

夜色獨步

四更天海靜月露闊難看獨立人如夢  
孤心影未安岸陰漁板白潮大水村寒  
不寐吾無謂徘徊輒夜闌

吾鄉

日弄烟光上白沙雨殷霞氣變青瓜海鹹土黑宜  
羣植溪轉門開瞰萬花五月蜺塘栽子母晚潮龍  
戶送魚鰕吾鄉合有歲時記未敢題詩忘物華

腹痛

往年伏枕謝家池是病經年續往時飲子密叅多  
病婦醫門新下五靈芝愁無措手憐分痛日九迴  
腸悔作詩有似故人知不食更煩書札問周饑

題畫

沉沉綠楊重欲滴娟娟黃鳥急如織高樓初日不  
刺人小玉圍屏入山色山光駘宕無着處爲與春  
眉染輕碧山中那得艷陽怨佳人世外誰相識罨  
罨春寒動修竹翠袖靜於垂帶直瀟湘流水楚山  
晚洞庭無波落日赤天邊水盡大橫出雲耶沙耶  
切空白恐是北渚到蒼梧靈雨飄風忽陰黑二妃  
不來古色凍老猿臨江叫魂魄不寫飛仙與奇士  
弱女春心邈寥寂我不知樵生何眼意作此春愁  
贈古蹟能令一切有情者茫然三日悶寢食



追和梁公普金花廟迎神歌二首

銀榜臨江照眼明  
金花祠對廣州城  
城南日暖羅敷思  
廟口垂楊無限情

袖中燈帶拜神回

剪綵爲燈四角垂帶四幅爲褱求子者私擷燈帶而歸以爲兆

也船尾楊花渡海來  
捉得楊花裏蓮子  
穩拋密意

索郎猜

示別張靈峯并寄令姪孝廉秉五

大福

考詩昨已千篇盡

靈峯前屬予選古岡諸君詩

乞食今爲五日

畱我去急於雲渡海君心遙及雨隨舟石能飲羽

與飛將心有雕龍待隱侯葵縣花村接風土買魚

甘竹順河流

吾邑於新會經甘竹灘爲最近

### 往事

往事在來日往來無住身眼看逝者水吾亦古之人命豈名相倚哀於樂更真廿年天地內刻意得傷神

### 渡口

渡口橫山影歸人指夕陽歛光帆不競暮氣柳先涼寸碧吟邊炯長流世內忙吾生行或止壯悔固

錐囊

畫二絕句

春江十里照桃花  
花上停雲雲覆沙  
村紅海碧過寒食  
一月春陰我在家

碧山雲熱炙春空  
日到木棉紅處紅  
竟日落花深一尺  
石橋人影踏長虹

早起書意

初日着林猶未紅  
露晞如霧上空濛  
低雲過水重含雨  
晨鳥惜花絨  
叫風買藥驚心錢  
有子養疴中

歲釣稱翁休思十載交遊路故鬼新知別夢中

薯菜行

煮薯菜而食  
呼薯菜云

青桐枝濕赤米大崇朝不熟熟已饑鋤瘦蕘瓦  
錯載二樵先生食薯菜後園地磽草藥黃種樹不  
實枝葉長老藤露日死纏石初蔓裊風柔上牆痴  
鬢十日九失水貧食一摘三盈筐女兒弱腹有難  
色視我下箸隨飽當齒牙大嚼聲喑喑踏餐爛漫  
沾垢服病婦相憐看藥碗儒生薄相飫梁肉白日  
鑑我苜蓿盤阿爺生汝藜莧腹汝曹未辨貧富身

自覺親前作人足側聞甘肅誰氏敗寶窖如山惜  
不得我云耿介自疑信貽汝榮華恐非福他時爲  
汝曹滿儲十篋之山川山不韞寶玉水不藏珠璣  
不能使汝飽欲死又不使汝行乞他人憐我今壯  
歲未衰憊人生命無常常願得親愛汝曹努力且  
食菜

和答葯房客舍見贈

未出賦懷居旣來還僦廬行藏身不穩好惡術仍  
疎舊學似殘夢故人如異書風塵愧相見一見一

愁予

寒夜書寄

有愧貧輕別遙憐病重寒藥無虛日寄命免與春

殘

今年春有握手幾分  
手他生入此生之句

客帳波濤警嚴更風雨闌

先題一行竹歸路且平安

連宵應夢見幾日動歸情佞佛惟緣我凝神乃感

卿

今年春病後曾作禪病圖小影  
內子嘗言每夢我歸無不協者

瓦風來大壑波

月湧寒城自展行看子愁鬢香霧橫

送別趙孝廉渭川

希璜

還惠州題碧嶂紅

棉圖

病後殘年勞此身秋還三度送夫君  
蘿烟藥氣沾衣在別浦寒城落日曛  
繪事明春木棉樹花期歸袖紫宮雲  
中原他日思南臥或有茲圖到見聞

近年

四方之士來遊粵索予畫予多以此圖  
貽之三年以來此圖度嶺幾數十本矣

五百四峯堂詩鈔

卷十二終

五百四峯堂詩鈔

卷十三

順德黎 簡簡民撰

癸卯年

和答王月坡臘月贈別之作

行吟落穆似殘醺海氣低垂花上雲臘盡後歸勝

在客

元作有作客羨君歸卒歲之句

夢中先別作離羣舊年一日

凡三接古處於誰擬此君萬里黔滇西向笑五溪

蠻酒佐香芹



雲隱續致水僊花

無雨亦春陰  
春華不可尋  
年過旬日淺  
花見兩情深  
峯勢空青割  
盆光水碧沈  
關門夢香草  
行坐楚江吟

友人贈擘窠筆歌

昔年走雨上寶積

寺名在羅浮

雨勢東灑千丈壁  
寺門迴瞰松上日

石色玲瓏冷光射  
千年古蘚黏細雲  
雲氣波折如古文  
當前得句日月側  
下欲濯筆滄溟濱  
此時樵夫非世人  
此筆尙爲麋鹿羣  
何日良

工得狡兔去歲郢人貽宋斤雖有如椽何暇計不  
見農夫歎懸耜何如市上買雞毛借米堪書數行  
字筆乎惜汝不及時何當攜汝中原馳勞勞白首  
須我友歲歲赤貧餘此錐他時五岳訪樵子蘿徑  
石門尋舊題

元夕

今年今夕月始見卽團圓雲散輕含水花多暖破  
烟香絲繚鬢影酒力懦琴絃但是無風雨春情百  
可憐

寄葯房

爲語花村舊風土春來花下醉無歸東風拂面寒  
醒酒半日吹花香滿衣別可竹根愁獨酌夜無江  
上夢相違還能覓句看出種暇更當窓聽織機

出門

出門逢石尤篷底臥蒙頭夢闊不離水身輕一化  
鷗青空碧山石斜照暮村樓涉世猶芳潔花香戀  
敝裘

袁叅軍升甫

堂

出其尊人遺照勸農圖囑

題二首

郎官不愧陽春縣共說陽春得再來十邑平章勸  
農事三時風雨大行臺

水村山郭繞英靈烟駟霓車下海溟驅使和風挾

甘雨雨中魂立望禾亭

望禾亭順德城外

和趙渭川雲髻山

是何仙人弄烟鬟幾幾想爾城頭山東坡雲中踏  
風雨西湖水聲聞珮環下來河沙挾天女若近以  
遠何姍姍不然陰陽豈好色千丈雲絲梳不得孤

三才圖會卷之三

撐兩角與天通下視惟應高一尺老松倒下作態

斜或綴綠玉青蓮花瑩然九萬滄海鏡照見十二

瑤姬釵羅浮玉女似新寡素首鬢鬆編墮馬寶簪

滑碎落人閒猶見樵蘇拾得者玉女峯故有孤松橫生其上嫵媚欲

絕後有僧縊於此衆遂去其松惜予久愧東樵客知君自比東方

朔好闢山窓媚細君我亦工媚內渭川句日對盤龍學新綠

升父諾予致人夢詩以訂之

貧甚病亦甚動欲求夢苓五藏所棲神竊語笑且

驚此風不可長是事恐易成何來佳公子使我居

不寧或亦有一道其身如破城異藥難再得轉似  
不繼兵又如養驕兒餌之呼不應夜來方寸閒髡  
髡如有聽作詩報公子深類影答形君能爲神釋  
勿使炎涼爭縱不饑餓死何如安樂生

暫歸邨莊示故人六君子

歸人夜繞燈燭光古壁似冰人影長赤貧小別當  
萬里青春一身思故鄉鶯鳴日出綠梧曉燕啄花  
入春機忙此來哀樂已破月就中離合俱沾裳青  
楓湛湛合江色片雲小帆驚一隻離離浦草照眼

青脉脉雲山送人碧仲由親老歸恐遲梁鴻命勞

閑不得四海皆有兄弟六君誰可當松栢予作六君

子鴉啼官樹曉出城風江夜怒晨未平城中舊雨

至今雨江上歸情滿別情還家幾日吟兼夢到眼

片時陰復晴陰晴變態勸君飲十日我來君酒醒

渡船

南人性狎水往往談笑死北人望帆仄舌出收不

得君看廣州海上人往來同時發櫓聲如雷遠望

不見人壓船但見羣龍以尾攪水滄江開風起江

中裂萬瓦舟子魚嬉波上下一角圓帆檣似弓六  
轡繚絲船縱馬地縮山飛轉眼空猿鶴沙蟲辨誰  
者年年海岸咒生經馬頭淋血紅波腥如何千丈  
魚塘海猶有百年鼃鼓聲吾鄉魚塘海每年於四  
月八日後輒夜中間划  
船鼓鉦聲至五  
月止近百年云我生西方入南海歷盡波濤幾千  
里也自出門還入門厭聞故鬼迎新鬼

友人生日子以妻病歸邨莊寄壽

十日春波兩番船柳花天色攪紅棉鏡琴別緒傷  
徐淑兒女詩情與茂先近畏新知看舊淚昨當低



唱又離筵還能生日轟騰飲愁臥花邊夢酒邊

送王明經竹坪朴還杭復北上

城北城南千古豪一時韓孟屬吾曹

城北客舍與石帆虛舟聯

句傷心別酒尋常飲去國鄉音爾汝操

酒中各再

話西齋元鬢改

竹坪前從錢辛楣學使南來茲十年

倘過南澗白楊

高

竹坪曾與南澗爲賓主

人閒碧草春波處此後年年魂夢

勞

代書

昨日出門時見汝臥未起今日寄書還知汝病不

死奄息一寸心情固不可恃火則薪所窮藥非命  
之止四月海天濶魂弱夢大水寒房警波濤虛壁  
惑心耳柳絮空中命自言見風喜軒輦雲水內欲  
住不得已役形得藥錢裹以書一紙藥希調病終  
書以慰生始三日兩寄書接續若啣尾庶似鼎鑊  
側相對談娓娓自從別汝來旦夕一何似歆床爲  
鰥魚展卷迷亥豕勞甚不暇病亦覺諸苦已心知  
在家好不及薄游美歸趁半日程不歸非千里差  
勝對同病憐惜互彼此但令汝粗安不敢復憶爾

巡簷勿仰面仰面有梧子持鏡猶悞影試水尙澀  
指外寄白苧衫其薄明水似花時猶清和未可貼  
玉體

示其詹

在廣州

慰人三載別忽爾比鄰居日月虛謀食身心問著  
書風枝南越烏河水故鄉魚江國圍天海同歸認  
敝廬

陳湘舟相過贈之

異命同情各互憐萍踪人海又三年離心顛倒真

無夢中歲聰明過半禪楊柳西樓懷鬼曲辭章南

俗託神絃婦人醇酒佳公子生不荒淫死亦賢

舟湘

語予已過中年哀樂無心壽命欲速語足感也

### 北風

四月北風西潦翻如山赤浪滿城喧家書中晷題  
猶濕不到昏黃船到門

### 別後

別後客庭庭草深隔簾白雨過空陰雲邊孤鳥帶  
行色城上暮天冥去心絕調征塵大道曲持情芳

桂小山吟九州漠漠相思遠海色烟光到夢衾

嘲鼠

我之所僦廬前客畏鬼乘夜逃比及我至此中夜  
躡蹠而吟號伏枕屏息四體靜揚沙撒泥衆物勞  
乃知鼠黠作諸惡客厨十日九齋禁汝繁有徒不  
得以果腹百枝穿我屋嗟爾前客子應復與我貧  
若此何適乎無鬼

記四月一日風雨二絕句

移潭挾海風生翼裂瓦渦沙雨似拳甘灘舟落橫

江岸龍尾鴨頭曾上天

甘竹灘下小舟人方飲食忽失柁七若病暈眩卽落

橫江沙田上舟不壞舟中人自云

東塘飛水過西塘西塘盡魚飛上桑村口船篷如  
亂鳥隔江飛落打禾場

竟日巨雨作

十年舊雨獨南臥自覺床頭今雨大伏枕遍增生  
死哀假蓋須難僕夫過八門決竇如懸河出城乏  
勢鳴盤渦競起噴雷動古屋有似暗潮迎巨舸窺  
簷祇疑空虛窄溢井遠知湖海多昔年六月竟夜

雨明日千家一抔土地湧忽驚山下泉

是時北門  
粵山下地

在在渠汎頃爲澤中鹵遠聞人哭雜水聲旋見民

居編鬼簿君不見東門大墳三丈高流膏斷膏泥

下撈至今天濶雨雲黑死人夜作生人號黃泥白

骨纏青蒿

五日旅舍同顏貽光

是日  
雨

南城划鼓上高旻聲墮北城簷下聞四海此時無

止水新詩今雨有停雲季真詞賦操吳語宋玉衣

裳竟楚芬酌酒呼兄吾約汝茂陵他日託遺文

欲校

緒予  
詩集

懷周石農

閩

新興縣十六韻

出戶獨蕭索故人皆別離  
騰身天地濶長路歲年  
遲花冷辭鄉劍囊鍵脫  
顙錐六經憂患內五柳  
去來辭爾且紅蓮幕予  
惟白接羅直宜分道走  
安復逐人爲雨熱催香  
稻雲頰熟荔枝賦糧官  
課早徭樹俗情悲一語  
千家福羣山五月時火  
珠懸骨血仙種絕鞭笞  
以子詩書士因論口腹  
私徑蒙狂受灸毋任病  
難醫事或成轡轡郎今  
判度支取民誠



有制効命豈無知屬土迂疎切披衣晝夜思美遊  
兼善政阮瑀在南皮

雨後

雨後葛衫單燈邊吟影安月光窺井少雲氣羃城  
寒稍待夢入室自扶花壓欄此時門外水眠穩浪  
鷗灘

初度日謝石帆

直同三宿入生朝兩得辭家不寂寥僮僕夜聽文  
字飲古今人在布衣交溪門日入虛歸艇花影年

時佐酒瓢轉愧春衫蒲澗咏彩雲香雨夢魂勞

介卿

生日諸君飲蒲澗予時在村庄

### 落日

落日長塔影海黃千丈陰涼飛高柳外碧掩一峰  
沈別浦無多友歸帆不競心何須故鄉水浩浩照  
離襟

### 熱

日入物未寧人氣烘瓦脊高雲照西北暘月帶餘  
赤仰面星宿大芒角如射力天翳竟塞風地汗莫

展席雲雷屯大荒河漢極殘滴此時白雲洞迸水  
裂蒼壁且與藥洲論西樵白雲洞回首讀書床青濕凍蘚積安  
能呼鴈臺黯淡叫霜翮清川湧空光白草亂秋色  
熱中匪常性冷景未遽盡默默理靜躁煩渴外人  
得

歸思

山川互主客歸夢滿人閒夙昔徑寸地風雲何日  
閑鏡深松盡影潮入水開關聞道何徵士曾嘲買  
藥慳何南洲熟知家人病近聞皆無病何君戲語云

晚飯後

六月七日作

晚視天高天井深  
焉知雲影萬家陰  
要看花事須爲夢  
頻得鄉書笑抵金  
墻角鬼多蘿匝地  
城頭烏尾月當心  
欲拋詩卷論家計  
已厭虛名尙苦吟

寄升甫

愛爾思歸久已歸  
雲樓書屋竹爲扉  
路傍阮籍虛青眼  
琴畔相如有綠衣  
病驥嚼芻甘下走  
冥鴻戢翼倦南飛  
嶺梅江荔移寒暑  
裘葛黏軀意莫違

昨夢李昌谷彈琴

年無幾夢十九惡昨夜何人媚魂魄長爪諸孫秀  
眉綠圍玉神磨腰一束鳴絃古寒動秋屋隴山月  
黑叫孤鸚昌谷雲深啼老竹紅絲膽血彈澀吟千  
年以還吾識音車行确确雷碾心行雲已去銀浦  
淺出門獨愁碧海深

還百花村莊避暑作

火山天脚上猓雲風淵門前皴浪蘋暫避畏途憐  
有此莫持幽夢遠驕人未能安石需葵扇故許淵  
明落葛巾欲剪五龍千尺雪化宮靈雨赤霄塵

村居懷石帆

雨色日光環海奔，陰晴來去數寒暄。  
古牆牡蠣藤蘿氣，江國雌霓睥睨昏。  
索米假休仍抱病，懸旌心事藉招魂。  
故交屈指惟君健，客邸何如仲蔚門。

初秋客思

已靜離思入蒼茫，身世浮雨雲同。  
百里河漢渺初秋，適土何非樂登臺。  
我獨愁出門，龍眼熟落果打船頭。

客雨漫題

村居做籬落習識風雨性天水萬里閒雲日雨不  
定雲來黑一掌日脚斜掩映寧知挾海走水力已  
無賸是得怒潮勢上下呼吸應急入一瞬轉聲塞  
兩閒聽遠翳掃空過晚綠浮涼淨居城眼目約看  
雨天井正惟於簷溜壯比屋懸河避今晨解孤櫂  
獨夜增百病煎慮警故枕畏影却明鏡短睡夢江  
雲雲低失蘿徑

和石帆雨後步月至郭山人隱居夜飲食

荔

滿城水氣三池月

門口有三池  
得月頗佳

萬戶涼眠二妙醒

北郭地宜高士號南來山到此峰停杯盤火棗仙人食雲霧滄洲海客星好約他宵儲潤筆潛夫偕隱爲名亭

### 雨歎

舊雨粉細新雨麤三伏柴焚兩伏無昨日雲海坐汗漫匝月起臥神模糊村溪沉沉樹木影柴門雙雙鷗鳥呼買舟出門百可惜但可拓展米家圖潮大五郡入圓鏡天暗萬象投明湖炊烟作雲雲作



海城頭一抹廿里餘可憐啁啾城上烏江海滿眼  
尾畢逋何如我家窮簷雀下飽一搶棲綠梧一枝  
得借善人宅羣兒解護學語雛我今人而烏不如  
摧喪意氣來就廬堂空鬼侮梁鬪鼠霜滿水濁井  
生魚故人別離四海內此身繫置三城隅鰥鰥干  
慮况短夜垢衣黏薜痒破膚明當銀灣白練鋪今  
夜雲外星羈孤仙人相思短夢急夢裏西風吹碧  
蕪

四更

雨過見高城城高落四更江喧旗尾捲星大葉梢  
明有夢虛今夕題詩壅故情坐看天下白勞者自  
爲生

婦請以八分書心經係以十二韻

汝根本靜慧而性善悲傷近日梵修苦此經金色  
光生機語死趣疲藥切焚香繞屋曇花白雕檀佛  
面黃奉持惟一往壽命莫偏長居士非新戒家人  
祇俗裝流連仍愛水慘淡倚空王裙布梁鴻女儒  
風法喜郎分書無上咒合掌四知堂卿受多心懺

斯爲却病方他生天鼠婦前世雪衣娘爲我將詩  
獻如來不笑狂

殘月寄室人

潮大天清秋氣濃聲浮南岸海幢鐘勉拋殘月辭  
孤影坐了名圖當宿春病計菱苓應曉織貧嫌衿  
帶褻遊蹤碧雲白露盈盈水幾夜星前漫惱儂

和薑臣種柳詞六首

種柳兩回仍一官問官何者最堪憐前番柳死徐  
娘在幾度離人非少年

謂六娘  
奉憐也

已覺今年三月晴綠波楊柳閒春旗隔江一點陰  
山雪白馬銀蹄草碧絲

柳絲書館柳絲黃往日情人臥病牀庾信才思多

感調西風新曲舊東墻

予前柳絲書館雜詩云三年肯信盈盈眼但有橫波

未有期

正月青條二月黃人閒三月柳俱長柳花那似春

雲熱蘇小梳頭鏡拂霜

廿年種柳古邕州五載重來可繫舟天末春風吹

死別倚欄飛絮入秦樓

細柳營前楊柳青  
白鷺潭外晚山冥  
連雲十里題詩遍  
爭得揚州屬阮亭

秋熱坐困王竹坪來話別北行且囑題予

所贈南浦綠波圖

城頭下秋陽但見千丈雲  
赤光射城垣赫若外犬  
焚正晝牛馬汗裂地入口痕  
何如此猊獐百獸下攫人  
北風挾雨氣恐是黑海翻  
西南蟲不動轉助其高軒  
人意待晚涼乃悔思黃昏  
立秋已十日陽亢陰尙屯  
出門過半月睡惡夢不真  
今日朝食午

食頃喜見君別來有何語憂病勝慮貧纍纍走結  
癰瓜蔓纏其筋欲爲子涕泣恐爾痛斷魂見子作  
客苦羨我養疴身聚糧有餘錢買藥歸近村相憐  
能幾時傷別在彌旬展我贈離物萬里從此分東  
風起文波南浦交綠蘋頗水就中熱又愴未別神  
孤雲此生濶正坐茫無因南來得長歎復得行筵  
文焉知渺人閒茲去誰更親况云道吳越不復入  
爾門自君之出矣十年南海濱今當枉北轍速望  
返爾轅喜爲入關鴈回頭誠苦辛同途異生死往

往充見聞去哉故人遠舊客天涯新願君早還鄉  
久睽西湖春花壓湖中天淚蝕鏡上塵

雨夜坐憶邕州亡妹

老竹支崖屋齊簷瞰水雲靄懸百尺落江抱萬家  
聞看雨他年切操音久別分一揮生日淚不見死

時墳

予以癸巳生朝  
別妹歸妹尋卒

邕州亭子邨下岸往時漲必崩今者人來

說其崩狀

劃岸入海底千尋洞冥冥行人不敢視稍近卽欲

傾下有暗積風倒捲眩人睛眼花兩足弱拔踵難  
退行往時經南岸下聽崩崖聲去之過丈許尙恐  
踏脚輕此裂已十年根虛上嶒嶸其下瀦回流驕  
若哀鶻鳴今年西天黑逾月東流潏乃聞逼大漲  
厥勢頽連城高於一山割橫障三江停邕州三江合流  
神訴海若奔走空百靈日夕失拘攝更恣怒不平  
辛卯八月水水落予西征女牆可濯手潦痕城上  
橫是時仰此壁憂極壓我脰至今近岸村日夕危  
負荆吁乎變易數滄桑無定形我生少至壯所歷



多改更存亡厭哀樂頗愒久客情惟於夢寐內夜  
長酣醉醒伏枕召今昔歌泣難可勝常變齊一理  
天地初無名潭碑炙白日安知非陸陵

七月廿六日題

涼氣夜散漫約之潛逼身粗衣聊制病中歲不如  
人草淺蟲逾切塵深月不真少眠疎夢緒轉得作  
書頻

秋氣

海國動秋氣天風承早寒人烟萬井熱潛入鼓聲

漸城影橫江落山光隔雨看客心勞日夜歸思托  
崇蘭

仙湖客舍作歌贈袁孝廉曉巢

法祖

仙湖古屋冷如此七夕愁霖到月尾決簷空倒三  
峽流作字誰酬五升米東海黑雲壓天起中有蓮  
花半湖水要將寸碧出西樵欲擘浮山返東海乾  
坤雷礮兩儀合閉戶先生睡而已夢中何人誦我  
詩使我好夢變憂悲茶山人坐大晝日晡客饑  
眠不知要我論詩讀吟卷盛年哀樂人閒滿千篇

揮筆準神構孤鶴摩空厲秋晚頽廊水氣寒不開  
波痕雲影連青苔草元久矣厭秋室賦詩幾得同  
吹臺揚雄後身竟誰是杜陵一官何有哉當時二  
儒冷於水安用千載聲如雷我今爲君歌莫哀君  
不見上蔡門富春渚時來制作比周召事往身名  
躡巢許寂寞當年九千字血食至今無一語

與袁曉巢夜談

虛墻感秋拆洞寂逼魂驚殘月城頭入兩人襟上  
明萬家歸早夢獨爾踏屐更客悵無多睡來朝何

處行

八月十一日夜見月作寄諸子

病多醉少常風雨身安天晴仍霧雲屈指一年惟  
此夕當頭孤月與離羣魚龍夜警江湖濶鴻鴈秋  
廻關塞分四海歸舟幾人在三城哀角五更聞

歸夢

秋悲先草木歸夢屬江天山白江搖月沙微天抹  
烟身浮積水濶心沸大旗懸遠近都爲客風波似  
昔年

從仙湖移居雙門樓下聽鼓漏作

古今一銅龍費爾幾滴水客愁均不眠不若臥聽  
此庶歛散漫心亦警寂寞耳今夕仙湖居豈遽集  
故鬼當時避窮儒傳舍復還爾夫豈真避我無乃  
顧憐耳平生持直巷神鬼不吾恥饑鼠尋空厨不  
得見粒米尋常已嗔厭茲何供饒喙鼠乎應同心  
亟欲盡室徙未能擇豪家且復嚙殘紙始感書生  
惠籍以餓不死城樹秋叫風新寒陡筋髓脫葉廣  
衢響懸波大旗起焉知海岸遠雲日慘紅紫四郊

物狼藉孤囊淨如洗還家未驟得私意撫穉子尙  
有未典衣聊以暖孱體計緩時序急阿爺歸在邇  
爲爾縫新衣衣長去年矣移床未妥帖心緒曷寧  
止明晨寄家書今宵擁單被

秋望柬張大谷

天邊猶水色海半起秋陰濶盡風雲態虛歸物象  
深蒼頭知藥性黃葉攪蓬心別日趨寒節淮南問  
桂林

秋江櫂歌

九月還  
村莊作

昨暮風吹北去帆城頭旗帶裊河南西淋十里三

分舵紅樹如花新婦潭

西淋山左折  
下新婦潭

蚤舟

天黑海光深俯窺星象森溪迴照疎木權影起棲  
禽寒序無安物勞生有賸心守愚須早計吾命巧  
難任

十月五日題客館壁

入門舟夢眼模糊

出門入舟一睡  
始醒已報入城

錯莫堂前三丈

梧今夜隔牆官樹影一更新月四更烏

留示內子絕句

十八年來藥鼎邊  
中間別汝漫三年  
路長魂弱嫌成夢  
才離空嶂浪捲天

新寒寄示內子病中

雲覆巖城江響沙  
城頭飛葉亂飛鴉  
飄零滿目淒霜景  
哀樂中年答歲華  
歸時水縣號饑鴈  
臥對寒籬偃病花  
未遂羅浮開藥市  
暫將雞犬惱鄰家

客館卽事絕句二首

官樹棲烏啼夜闌  
一聲裁落四城寒  
今宵風雨爭



餘葉細語啾啾更鼻酸

南風入城波拍城杉板三更賣酒鈴

杉板粵中  
小舟名滿

天霧氣千家夢獨倚女墻聞素馨

悶雨絕句

馬蹄浩浩響衢波歲暮事繁風雨多五里花陰一  
篙水幾年村口負烟簑

高樹

日短北風勁廣衢鳴落黃城頭出高樹天半得殘  
陽氣入滄波大陰先塔影長爾材南服命孤絕任

蒼蒼

咏簾

輕得却風色重能延樹陰日絲朝淺淡燈穗夜深  
沉憶我青桐苑空堂綠綺琴雨香聞過竹波細動  
彌襟

北風篇

北風欲使南海翻萬怒一洩雙洞門

客居近雙門樓

簷端

木葉烏鼠走巷口朔漠雲沙昏樵夫客帳夢水村  
水面一點浮人烟海勢吞沙浩無地風力揭波聲

塞天萬物簸揚一室靜古佛跏趺居士病龕火不  
搖凍似水霜筠自戛清於磬夜來知爾夢亦勞魂  
弱不競江波高嬌雛惡睡自呼被遊子病軀誰贈  
袍故人別盡滄江晚但坐不歸傷別遠南飛一聽  
鴻鴈啼北寒濶與江湖滿明日空天秋照水八尺  
蒲帆盡情展尙有寒花村屋深未覺疎籬酒杯淺

題客居壁

庭東桂樹凍槎枒月態風情迸客花風月四更天  
萬里壓襟橫落一枝斜

示汪徵君湖孺

古藤陰蔓海榴樹時有小花沾客巾不厭二三文字飲細論過去老成人北羣市馬名留骨南樹彈烏影悞身此理淺推君勿躁少安才氣在能貧

五百四峯堂詩鈔

卷十三終